

NEOMERCAZOLE® TABLET

Carbimazole (5mg)

Apakah yang ada pada risalah ini:

1. Apakah kegunaan NeoMercazole
2. Bagaimana NeoMercazole berfungsi
3. Sebelum menggunakan NeoMercazole
4. Cara menggunakan NeoMercazole
5. Semasa menggunakan NeoMercazole
6. Kesan-kesan sampingan
7. Cara penyimpanan dan pelupusan NeoMercazole
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RIMUP

Apakah kegunaan NeoMercazole

NeoMercazole digunakan pada orang yang mempunyai kelenjar tiroid yang terlebih aktif. Keadaan ini dikenal sebagai hipertiroidisme.

NeoMercazole juga digunakan dalam kes yang lebih serius sebagai terapi sebelum dan selepas rawatan radio-iodin.

Bagaimana NeoMercazole Berfungsi

Carbimazole ialah agen penurun tiroid. NeoMercazole digunakan untuk menurunkan pembentukan hormon thyroid.

Sebelum menggunakan NeoMercazole

- Bila tidak boleh menggunakan

- Jika ada alahan pada thiamazole atau propylthiouracil.
- Jika anda alergi (hipersensitif) kepada Carbimazole atau apa-apa ramuan NeoMercazole.
- Jika anda menyusukan bayi.
- Jika anda mengalami gangguan darah yang serius.

- Jika anda mengalami gangguan hati yang teruk.

- Sebelum anda mula menggunakannya

- Jika anda hamil, anda rasa anda hamil atau merancang untuk hamil.
- Jika anda mengalami masalah hati yang ringan atau sederhana.
- Jika anda mempunyai bengkak leher yang disebabkan oleh pembesaran kelenjar tiroid. Pemeriksaan kiraan darah penuh harus dilakukan pada orang yang mungkin keliru atau mempunyai ingatan yang tidak baik.
- Beritahu doktor anda jika mana-mana yang di atas berkaitan dengan anda.

- Jika mengambil ubat-ubat lain

Beritahu doktor atau ahli farmasi anda jika anda sedang mengambil atau baru-baru ini mengambil apa-apa ubat lain, termasuk ubat yang diperolehi tanpa preskripsi, atau yang berikut:

- Theophylline yang digunakan untuk merawat asma atau masalah pernafasan.
- Ubat yang dinamakan sebagai antikoagulan, yang digunakan untuk mencairkan darah.

NeoMercazole mengandungi laktosa dan sukrosa. Jika doktor pernah memberitahu anda yang anda tak tolerans terhadap sesetengah gula, hubungi doktor anda sebelum mengambil ubat ini.

Cara menggunakan NeoMercazole

Sentiasa ambil NeoMercazole betul-betul seperti yang diberitahu oleh doktor anda.

Tanya doktor atau ahli farmasi jika anda tidak pasti.

- Berapa banyak harus digunakan

- Tablet hendaklah diambil melalui mulut. Dos permulaan adalah dalam lingkungan 20-60mg, dos akhir biasanya dalam lingkungan 5 - 15mg sehari, yang boleh diambil sebagai dos harian tunggal.
- Dos akan ditetapkan oleh doktor mengikut keperluan anda, dan boleh diubah pada selang masa tertentu dalam tempoh rawatan.
- Doktor anda mungkin memutuskan untuk menambah tablet (l- thyroxine) tambahan, bagi membantu mengawal keadaan anda. Kanak-kanak: dos permulaan yang biasa adalah tiga tablet 5 mg setiap hari.

- Bila perlu digunakan

- Jangan ubah kekerapan dos tanpa menghubungi doktor anda terlebih dahulu.

- Berapa lama perlu digunakan

- Untuk mengekalkan kawalan ke atas kelenjar tiroid, anda mungkin perlu terus mengambil tablet NeoMercazole selama sekurang-kurangnya 6-18 bulan. Doktor anda akan memutuskan bila rawatan boleh dihentikan. Doktor mungkin meminta anda menjalani ujian darah sekali-sekala bagi membantunya menentukan respons anda terhadap rawatan.

- Jika terlupa mengambil NeoMercazole

Jika anda terlupa mengambil NeoMercazole, ambil dos berikutnya sebaik sahaja anda teringat. Jangan mengambil dos berganda untuk menggantikan dos yang tidak diambil sebelumnya.

- Jika mengambil NeoMercazole berlebihan (terlebi dos)

Jika anda mengambil NeoMercazole lebih daripada yang sepatutnya, hubungi doktor anda atau jabatan kecemasan hospital terdekat dengan segera. Bawa bekas dan apa-apa baki tablet bersama anda.

Jika pada bila-bila masa anda bimbang tentang hal ini atau apa-apa kesan lain yang tidak diingini, hubungi doktor anda secepat mungkin.

Semasa mengambil NeoMercazole

- Perkara yang perlu dilakukan

Rawatan NeoMercazole sangat penting bagi anda dan mungkin perlu diteruskan semasa hamil tetapi sangat jarang memudaratkan fetus yang sedang berkembang.

- Doktor anda hendaklah mempreskripsikan dos paling rendah yang mungkin.
- Dapatkan nasihat doktor anda sebelum mengambil apa-apa ubat.

-Perkara yang tidak boleh dilakukan

- Jangan berhenti menggunakan ubat ini kecuali jika dinasihatkan oleh doktor anda.
- Jangan mengambil sebarang ubat baru tanpa berunding dengan doktor atau ahli farmasi anda.
- Jangan memberi NeoMercazole kepada sesiapa sahaja, walaupun mereka mempunyai gejala atau keadaan yang sama seperti anda.

-Perkara yang perlu diambil berat

- Memandu dan menggunakan mesin:

Anda boleh memandu semasa mengambil NeoMercazole, tetapi jangan memandu

sehingga anda tahu bagaimana ia mempengaruhi anda.

- Kehamilan dan menyusu:

Rawatan anda boleh dihentikan tiga hingga empat minggu sebelum anda melahirkan anak. Anda tidak boleh menyusu jika anda menggunakan NeoMercazole.

Kesan-kesan sampingan

Seperti semua ubat lain, NeoMercazole boleh menyebabkan kesan sampingan, walaupun tidak semua orang mengalaminya.

Jika anda mengalami mana- mana gejala ini semasa mengambil NeoMercazole, sila hentikan dulu penggunaan ubat dan hubungi doktor anda dengan segera.

- sakit tekak
- ulser mulut
- demam
- lebam atau perdarahan
- anda rasa tidak sihat secara menyeluruh atau anda rasa anda mungkin mengalami jangkitan

Beberapa ujian hendaklah dijalankan untuk memeriksa penekanan sumsum tulang sebelum memulakan semula rawatan anda. Penekanan sumsum tulang menyebabkan pengurangan dalam bilangan sel darah dan mengurangkan keupayaan untuk melawan jangkitan. Jika tidak dirawat sebaik sahaja dikesan, keadaan itu boleh mengancam nyawa.

NeoMercazole juga boleh menjejaskan hati (menyebabkan jaundis dan inflamasi hati) atau otot. Jika anda mengalami kesakitan otot atau mendapati kulit atau mata putih anda menjadi kuning, hubungi doktor anda dengan segera, kerana di bawah penyeliaan perubatan, ubat itu hendaklah dihentikan dan ujian darah dijalankan.

Kesan sampingan yang paling kerap termasuk:

- loya
- sakit kepala
- ruam kulit, termasuk ruam netel
- rasa gatal
- sakit perut
- sakit sendi.

Kesan sampingan yang berikut juga dilaporkan:

- rambut gugur
- hilang selera
- bengkak di bawah kulit
- tindak balas alergi yang serius dengan gejala yang mungkin termasuk lidah, bibir, muka atau tekak bengkak.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835549, atau laman web npra.moh.gov.my (*Public Reporting Side Effect to Medicines Problems (ConSERF of Vaccines (AEFI)*)

Cara penyimpanan dan pelupusan NeoMercazole

- Penyimpanan

- Simpan di tempat yang tidak dapat dicapai atau dilihat oleh kanak-kanak.
- Jangan simpan pada suhu melebihi 25°C. Simpan di dalam bekas asal.

- Pelupusan

- Jangan guna selepas tarikh tamat tempoh yang dicetak pada kotak selepas EXP. Tarikh tamat tempoh merujuk hari terakhir bulan tersebut.

Maklumat lanjut

-Rupa dan warna produk

Tablet NeoMercazole berwarna merah jambu, dwicembung bulat, dicetak dengan Neo 5 pada bahagian hadapan dan kosong pada bahagian belakang.

- Bahan :

-Bahan aktif: Carbimazole Setiap tablet NeoMercazole mengandungi

Carbimazole 5mg.

- Bahan tidak aktif:

Lactose, Maize Starch, Gelatin,
Magnesium Stearate, Sucrose,
Acacia, Talc, Red Iron Oxide
(E172).

- Nombor MAL:

MAL12020025ACZ

Pengilang

Cenexi, 52 rue Marcel et Jacques
Gaucher, 94120 Fontenay Sous
Bois, France.

**Pemegang Pendaftaran
Produk:**

A. Menarini Singapore Pte. Ltd.
B-18-2, Level 18, The Ascent
Paradigm, No.1, Jalan SS7/26A,
Kelana Jaya, 47301 Petaling Jaya,
Selangor Darul Ehsan, Malaysia.

Tarikh kemas kini RiMUP:

25/07/2018

Nombor Siri:

NPRA(R4/1)140318/00069